



[Voir le message vidéo](https://vimeo.com/306132578) (vimeo.com/306132578)

### ***A Nwèl, vèb la divini frè !***

An tan a Nwèl, Bondyé ka antré an imanité. I ka fèy andous, san dézòd é san piblisité. Pou kisa dayè pou yonn ? Timoun lasa pa ka vin pou i pé wa oben anpèrè, i ka vin pou i sé granfrè a on kyolé frè. I pa ka vin pou pran pouvwa mé pou andidan'y, tout nonm vin frè padavwa yotout sé timoun a menm Papa la. Fratèwnité lasa pa ka enpozé'y, moun ka viv li pas sé on don. Sé pou nou pa oubliyé sa, nou ka fété Nwèl ! A Nwèl, vèb la divini frè ! An ka pòté pawòl lasa mé sé ta Krisyan de Chergé, on mwàn sistèrsyen ki sé yonn a sé 19 mawtir an Algérie la, kè yo béyatifyé dimanch 8 désanm pasé.

Dépi pasé 2000 lanné, pou nou krétyen, Fratèwnité pa jis on lidé, tout bèl lidé la pé yé, mé i sé nésans ki ka wouvè chimen a on fratèwnité inivèrsèl ! Alòs Fratèwnité krétyen pé pa sé yenki bon santiman, ni menm on moral. Fratèwnité sé on envitasyon a séparé sa Bondyé ban nou, andidan Kris ki vin frè an nou, pou nou pé vin zanfana a on menm Papa.

Tout lévanjil la pou di nou Fratèwnité ka vwè'y adan konpòtasyon yonn a lòt, byenvéyans, tandézon, bonkyè, don é padon.... Sé on konba a touléjou, andidan nouchak é adan sosyété an nou, ant méfyans é konfyans, lapè é lanmou, bay do é rèsèvw, vyolans é dousin, rayisans é padon... Pou gangné konba lasa, annou gadé timoun a krèch la é konfésé fwa an nou : nou ka kwè i vin frè an nou pou nou viv an frè.

Zòtchak, fanmi a zòt, tout séla ki frè é sè an nou an Kris, an ka di zòt bon Nwèl.

+ Pascal Delannoy  
Évêque de Saint-Denis-en-France